

2018/E4/034

Dumanda sposta da Mma Valérie BOZZI di u gruppu

**Question déposée par Mme Valérie BOZZI
Au nom du groupe "LA CORSE DANS LA REPUBLIQUE"
"A CORSICA INDÈ A REPUBBLICA"**

OGGETTU : Situazione finanziaria di u CHU è Pianu Regionale di Salute

Sgiò Presidenti,

Madama a Cunsigliera esecutiva in carica di a Salute

Sgiò Cunsiglieri, Signore Cunsigliere

Cari Cullegghi,

Ci primureghja da parecchi anni a problematica di a salute in Corsica sottu à parecchi lati.

Di fatti, cala l'offerta di curamentu in u rurale, l'ecchippamenti di l'ospidali sò vechji, u persunale hè in sottu effettu è ne passu ...Mezu à sta situazione ch'è no cunniscimu tutti, l'Ospidale di Bastia ùn hè un'eccezzione, è puderia esse consideratu cum'è l'esempiu stessu di disfunzionamenti in stu duminiu. Di fatti incontra quessu problematiche parecchie.

Prima à livellu finanziariu, u deficitu di l'Ospidale hà raghjuntu i à 55 milioni d'euri. È s'è no sapemu ch'elli anu un costu i servizii publichi, ne simu à dumandà ci quale hà da assume issu costu quì. U PEI previstu da u Governu di pettu à a salute hè un principiu di risposta, ma ci tocca dinù à noi in quant'è Corsi à circa risposte.

Dopu, à livellu materiale, i lucali sò vechji è micca adatti. Cunduce quessa à una presa in carica menu bona di i maladi. I travagli numerosi necessari à u rispettu di e norme medicale è à u perseguimentu di l'attività in securità sò attati da parecchi anni ma sempre rimessi.

Sapemu ch'ellu si tratta quì di un prublemu cullettivu chì trapassa l'Assemblea di Corsica ma l'urgenza è u seriu di a situazione (chì parlemu quì di a presa in carica di a ghjente) dumanda ch'è no preveghimu à livellu nostru , suluzione efficace è neguziati cun l'attori, da vede appiicà ste suluzione.

Aldilà di e prublematiche cumune à u settore medicale, l'offerta di curamentu in Corsica s'impetta à unepoche di difficoltà specifiche (geugrafia, pupulazione chì invecchia) chì cuntribuiscenu à pisà ancu di più nantu à i costi di funziunamentu di i stabilimenti.

Dunque, in un cuntestu naziunale digià tesu di pettu à a salute, à a Corsica, per via di e specificità ammintate capunanzu, li tuccherà à luttà pè strappà a so parte, assicurendu almenu u mantenimentu di e strutture, ciò chì hè pè a pupulazione isulana una necessità.

È seremu, siate ne sicuru Sgiò Presidente di l'Esecutivu, à u vostru latu pè ottene la.

Di modu più generale, u Pianu Regionale di Salute, in cor d'elaborazione da l'Agenza Regionale di Salute in cuncertazione cun l'attori lucali, definiscerà l'orientazione maiò di a pulitica di Salute in Corsica pè i dece anni à vene ; qualesse seranu e cuntribuzione di l'Esecutivu ?

Vi ringraziu.